

RAHSIA AL-QURAN-DARI SEGI ILMU DAN FALSAFAH

ORANG-ORANG YANG SEMPURNA IMANNYA

Pada bilangan yang lalu telah dihuraikan dengan sejelas-jelasnya akan sifat orang-orang yang sempurna imannya sebagaimana yang terkandung di dalam ayat suci 177, al-Baqarah, yang bermaksud:

“Bukanlah (perbuatan) kebajikan, kalau kamu-hanya-menghadapkan muka kamu ke Timur dan ke Barat, tetapi kebajikan itu ialah: orang yang beriman kepada Allah, hari akhirat, malaikat, kitab Allah, dan Nabi-nabi, lagi ia mendermakan harta yang dikasihinya kepada kaum kerabatnya, anak-anak yatim, orang-orang miskin, orang musafir, orang-orang yang meminta. Hamba tebusan yang hendak memerdekekakan dirinya: Lagi ia mendirikan sembahyang dan mengeluarkan zakat, dan juga mereka yang menepati janji apabila berjanji, serta mereka yang sabar di atas kemiskinan, kemelaratan penyakit dan ketika peperangan: mereka itulah orang-orang yang benar dan mereka itulah orang-orang yang takwa.”

Pada bilangan yang lalu dalam bahagian yang pertama telah dijelaskan: kelebihan ayat suci ini, sebab turunnya, asal punca kebajikan, dan kesan iman kepada manusia. Dalam bahagian yang kedua ini sila tatap huraian berkenaan: Iman yang tidak sempurna, berihsan kepada orang ramai, jalan mendidik jiwa, menepati janji, dan bersikap sabar, sebagai penutupnya.

(oleh 'Abdullâh Bâsmeh)

Ada pun iman yang hanya ditasdikan dengan hati, dengan tidak tampak kesan-kesannya, atau ada kesan-kesannya tetapi jangan tidak sahaja, maka iman yang demikian tidaklah sempurna dan orangnya tidaklah bersifat benar dan tidaklah bersifat takwa. Iman yang demikian tidak akan menyelamatkan daripada azab dan balasan yang buruk pada hari akhirat kelak.

Hujjat al-Islâm al-Imâm al-Ghazâlî telah memberi suatu misalnya katanya: bandingan seseorang mukmin yang beramal, dengan mukmin yang tidak beramal adalah seperti pokok “labu” yang berkata kepada pokok “ru” “aku pokok, awak pun pokok juu.”

“Baiklah-jawab pokok ru-tetapi tunggulah kedatangan musim daun luruh dengan angin ributnya, yang akan mencabut dan menerangkan awan ke udara. Ada pun aku, sudah tetap akan berkekalan tegak berdiri dengan gagah, angin rebut tidak menggugurkan melainkan daun-daunku yang kering, yang menghijau hidup akan berkekalan menghiasai aku.”

Demikianlah hal keadaan orang yang beriman. Segala penderitaan hidup akan membersihkan dia daripada segala jenis kecemasan,

akhirnya ia akan keluar daripadanya! Bersih kehormatannya dan bersih akidahnya, sebagaimana yang telah dilebur akan keluar semula dengan bersih cemerlang. Ada pun orang yang lemah imannya maka penderitaan hidup itu akan menyedut dan melucutkan saki baki iman yang ada kepadanya, dan akan keluarlah ia dari lembah penderitaan itu dengan keadaan yang terkeji, cacat kehormatannya, patah hatinya dan hina dina di sisi Allah dan di sisi makhluk.

Berihsan Kepada Orang Ramai

Setelah Tuhan Azza wa Jalla menerangkan perkara-perkara yang menjadi penyempurna iman, lalu diterangkannya soal berihsan atau berbukti kepada masyarakat.

Manusia adalah sejenis makhluk yang berlainan sekali daripada makhluk yang lain, banyak hajat kehendaknya, tinggi cita-citanya banyak tamaknya, berhajatkan bantuan orang lain untuk mendapatkan benda-benda makan minum dan pakai patut, berhajatkan ilmu pengetahuan, pedidikan, pembelaan dan kawalan, dan juga berhajatkan hiburan dan penglipur lara. Hajat kehendaknya tidak berperenggan. Pendiriannya tidak tetap, berubah-ubah, Yang demikian seseorang itu

tidak boleh hidup meninggal bahkan sebagai anggota masyarakat.

Ia tertuntut menyediakan dirinya, harta bendanya dan segala ilmu pengetahuannya kepada masyarakatnya.

Tetapi biasanya manusia itu lebih mengutamakan dirinya dan kasih akan hartanya, itulah sebabnya Tuhan menggalak hamba-hambanya kepada berihsan dan bertolong bantu sesama sendiri. Disuruh-Nya berderma dan disuruh-Nya mengorbankan jiwa jika tiba wajibnya. Tetapi Tuhan tidak akan menerima melainkan derma yang dikeluarkan daripada harta benda yang dikasih oleh penderma itu. Inilah maksud firman-Nya:

“Wa āta al-mal ‘alā hubbihi”.

Ertinya: “Orang yang beriman itu ialah orangnya yang mendermakan harta yang dikasihinya”.

Derma itu tidak akan terhitung daripada kebajikan (*al-birr*) yang diperintahkan melainkan setelah didermakan kepada orang-orang yang layak menerimanya. Itulah sebabnya Tuhan menerangkan sifat-sifat mereka iaitu: kaum kerabat, anak-anak yatim, orang-orang miskin, baik yang meminta atau tidak, orang-orang dagang yang berhajatkan bantuan dan hamba sahaya.

Tuhan telah mendahulukan kaum kerabat, kerana berderma kepada mereka selain daripada menjadi sedekah adalah menghubungkan silat al-Rahim. Golongan yang kedua ialah anak-anak yatim, kerana apakala mereka telah kehilangan orang yang menyerah hidup mereka maka wajiblah atas masyarakat mengawal dan memelihara mereka.

Jalan Mendidik Jiwa

Setelah itu Tuhan Azza wa Jalla telah menerangkan bahawa sembahyang adalah menjadi alat pendidik jiwa yang utama. Di dalam sembahyang, seseorang itu dapat menuju bulat-bulat kepada Allah Azza wa Jalla, berputus daripada perkaitan makhluk dan bermunajat dengan Tuhan yang Maha Kuasa, yang mengira segala amalnya dan yang membalaq tiap-tiap perbuatan walau sebesar zarah daripada kebajikan dan kejahanan. Di dalam sembahyang seseorang itu mengakui bahawa Allah ialah Tuhan yang Esa, yang disembah dan kepada-Nya meminta bantuan.

Semuanya ini menjadikan seseorang itu tertuntut mengekalkan ingatannya bahawa Tuhan Azza wa Jalla adalah sentiasa mengawas segala amal perbuatannya. Ia juga tertuntut mensucikan dirinya dan mendidiknya, sehingga segala amak yang dikerjakannya yang nyata dan tersembunyi-sesuai dengan perintah Allah. Berfaedah kepada masyarakat.

Sembahyang yang demikian inilah yang diisyaratkan oleh Allah Azza wa Jalla dengan firman-Nya:
“inna al-ṣalāt tatahā ‘ani al-faḥshā’i wa al-munkar”

Ertinya: “sembahyang itu melarang daripada perbuatan yang keji dan munkar.” Dan firman-Nya lagi yang bermaksud: “sesungguhnya manusia itu dijadikan bersifat keluh kesah. Apabila ditimpah kejahanan, ia gelisah, dan apabila mendapat kekayaan (harta), ia enggan berderma. Kecuali orang-orang yang sembahyang.” 19-22 al-Mā’āraj.

Menepati Janji

Menepati janji pula, ada berhubung dengan Tuhan Azza wa Jalla dan ada yang berhubung dengan manusia sesama sendiri. Orang yang telah beriman setia kepada Allah dan Rasul-Nya. Ia berkewajipan menepati janjinya iaitu menurut perintah Tuhan dan berpandukan Rasul-rasul-Nya. Di dalam masyarakat pul adalah ia tertuntut menjadi anggota masyarakat yang berguna sekadar daya upayanya, dan mengorbankan tenaga, harta benda dan ilmu pengetahuannya kerana kebajikan ramai.

Apakala diselidiki dengan teliti akan sebab-sebab kejatuhan sesuatu umat dan segala penghinaan yang menimpanya, akan didapati kebanyakannya disebabkan penyakit bakhil mendermakan harta benda sebagaimana yang diperintahkan dan disebabkan mencabuli janji, sedang kedua-dua penyakit itu sangat-sangat besar bahayanya dan lekas sekali menerima qada’ Allah di dunia.

Bersikap Sabar

Adapun sifat sabar yang terhitung daripada kebajikan, yang terutamanya sekali ialah mengenai kepapaan, penyakit, dan perperangan. Tuhan Azza wa Jalla telah menyebut kalimah sabar di dalam Quran lebih daripada tujuh puluh kali.

Dalam sepucuk suratnya, Saidina Umar pernah menulis:
“alaika bil ṣabr; wā’lamu an aal-ṣabr ṣabrān aḥadūhumā aṣḍalu min al-ākhar. al-ṣabr fī al-muṣībāt hasan. wa aṣḍālu minha al-ṣabr ‘amā haram Allah.”

Ertinya: “berpeganglah engku kepada sabar, dan ketahuilah bahawa sabar itu ada dua jenis, salah satunya lebih afdal dari yang lain, sabar tatkala ditimpak kemalangan memang baik. Tetapi lebih afdal lagi, sabar (menahan diri) daripada segala larangan Allah.?

Ayat yang mulia yang menjadi tajuk rencana ini, yang meliputi segala sifat kesempurnaan manusia dan segala jenis kebajikan, telah disudahi Allah Azza wa Jalla dengan firman-Nya:

“ūla’ika alldhīna sādāqū wa ūla’ika hum al-muttaqūn.”

Ertinya: “mereka itulah orang-orang yang benar, dan mereka itulah orang-orang yang takwa. “Sebagai memberi isyarat akan kelebihan orang-orang yang berhabis dengan sifat-sifat yang kewajipan itu.

Nisa’al Allah an yaj’alnā min al-ṣādiqīn al-muttaqīn!